

贛縣志卷三十九

人物志

善士

孟子言善士自一鄉一國而天下猶未足誠謂善之量無窮士之責靡已也而古之人又曰鄉里稱善人斯足矣夫善修於己第潔其身善推於人則有濟於世無小大無遠近也恃在上之人振起而作興之耳昔楊誠齋有言贛之爲邦其民果而挾氣激而喜爭苟因之使果於義激於節與名抑何不化之易也乎舊志曰義行曰耆德皆鄉黨自好之士今純以善言固無愧於一鄉者也而數十年來又得若而人風俗其蒸蒸日上歟

明

彭玉琳遜志好學善事二親析產推讓其兄宗族稱其孝友

劉彥傳東韶人天性孝友篤志力學幼孤事寡母承顏順志母歿哀毀幾絕忌日水漿不

贛縣志

卷三十九

善士

入口事兄撫弟讓金推產自少壯以及白首歡情如一建祠修譜鄉黨貧者輒待之以舉火宏治間卒衆皆高其行

朱源宋孝子壽昌之裔也飭躬篤行教授閭里督撫王守仁作興社學以耆儒禮之嘗命其率所教童子入射圃歌詩演禮郡邑亦重其人歲與賓席常自書其門屏曰儒書頗讀四五卷鄉飲會叨三十年卒年九十有七

王灝梅林人爲邑掾邑中絕軍已豁復讀勾丁補伍爲子孫累灝乃徒步入京上疏奏辯事下清成司府覈實以覆得如所奏盡數除豁時舊令尹全州蔣曙適還江西清成右轄方主其事嘉灝之義贈以十絕今錄其二尺籍空虛歲已深無根有蔓苦追尋誰憐一點陳情念洗盡千門抱恨心人於腔子見天真一隔籬籬越視秦爾獨願回春百里而今六合正同春

月輝以貢授四川江油知縣以清苦稱(萬姓統譜)

郭日和良富人成化二十一年八月日和自贛往瑞金至樂村遇虎色赤睛黃咆哮山震

僕人各竄去日和不及避立道上虎繞之日和坐虎亦坐久之日和取道行虎又繞之日和曰既不相嚙又不令去意欲何爲得毋欲偕行乎虎遂奔去日和至謝坊語其故鄉里訝之頃之虎果至觀者如堵鷄犬不驚日和收之繫牌虎項下書郭宅義虎日則隨左右夜則侍臥榻享年八十四子孫繁盛卒葬萬安縣地虎送見窀穸咆哮握地遂斃因葬於旁

賴祐以貢生爲博羅縣丞行已無玷先進之風

宋金選貢官曹州判官恂恂長厚爲郡大夫所敦禮

郭端科家貧力學以親老不忍外遊督畊奉養言動必循矩度主宗族祀事四十餘年每值祀日禮畢昭穆坐定必表其孝悌勤學力畊者命司簿分給昨加厚反是立命司書記所犯多寡予罰且誠學弗售卽力田毋爲胥役以壞心術族里化之子弟恂恂途遇長者卽負薪荷鋤亦必拱立道左鄉黨不聞爭訟

尹思貢生授高要日照知縣絕無機心雅有隱德

翰 縣 志

卷三十九

善士

二

徐鑑府學貢生選瀧水教諭早年掛冠儒者高蹈

張學周貢生工於文翰獨步一時高致堅不謁選

姚應章七歲喪母哀毀不食族人悉感泣事繼母黃氏惟謹值荒以所貯平糶散給遠近活者甚衆晚年好讀內典年七十八召子孫環侍跌坐忽香氣襲人隱隱笙簧聲竟逝子心仁大順有傳

黎金球廣海衛經歷萬歷末大饑捐穀千石以賑具題旌表又設義倉貯穀千石民感其惠因號其地爲佛堂前以千金置義塚葬無主骨邑黃龍舖路僻多盜建黃沙菴集僧衆立亭給茶往來便之

郭文斌呂彥文郭執柏正德間各輸穀千石以上備賑建坊旌表

劉餘實東韶人性至孝父母有疾不入內寢與兄弟友愛終身尤慷慨好義與人藉其力者甚衆正德辛未河南大饑彰德懷慶衛輝諸路疲於流寇時餘實客汴應詔輸粟六百石助賑勅授七品冠帶爲義官河南左布政使陳克謹以來舟遣風頡旌之

胡萬里湖邊人性任俠能詩與廬陵胡貫常唱和成化乙巳府城西北隅圮萬里助修有司表其義授宣議郎削西湖大觀橫田二亭修西隱山寺

黃紹惠黃屋村人多善行利人濟物口碑載遠萬歷間巡按趙行部至贛微行鄉村訪民疾苦親至紹惠所居觀其實行與所傳聞符合歸召至公署以烏臺旌善顏其閭

鍾瓚成化丙午應詔輸賑授宣議郎嘗率義兵禦會昌寇有功

國朝

謝光早夏滄人性質樸言行爲閭里所服尤雅好施與值寇亂歲饑悉捐所儲平糶分給邑侯萬里揚文正上其事旌之

郭順閔時兵寇絡繹數以智自全雖在離亂尙周人之急邑令欲上其事順閔避曰吾行吾意不敢以此沽名

姚大順應章次子由歲貢任靖安訓導靖安值兵燹後學已就圯餓居民屋諸生來謁多促襟拱揖一見惻然輒察其遭兵燹者捐贈有差居閒月課較閱精明拔其尤者上所

贛縣志

卷三十九

善士

三

試藝於學使悉得優錄邑咸羨爲得人因與令謀曰學植也不治且落嘗從令低徊組豆間解橐爲修飾計其力與學校如此初爲諸生時值兵燹僭兄心仁力田養親既而父兄俱歿事繼母愈竭力雅好交游日事贈答應酬無情士類靡不傾服

羅懋華庠生性質實遜志力學值兵寇戰遺率五弟懋辛等日夕孝養父性雅好施予奉承順父意會連歲饑凡土著及流寓往來皆賴其力父歿哀痛幾絕服闋猶哭泣如初喪食餼後具告給督學憫其食餼久依資應貢不予給堅乞得准遂不復入城市卒時鄉鄰族黨弔者以千計

郭克奇字拙吾性質直喜文詞廣購書籍年四十餘猶居重慶下每晨夕必率兒孫次第進問恂恂唯諾晚好覽內典喜施與盡棄所受田業歲賑饑寒建橋設渡久之貧乏無以供施濟遂專精岐黃術所活人尤衆卒年七十八所著有五經通義

韓良能庠生世居零之於化里好善樂施父母老病良能擊湯藥必自嘗夜則侍臥衣不解帶者多年弟兄五人友愛無間鄉人稱之爲韓夫子孝廉易學實顏其居曰善士

郭大衡少以孝友著稱行誼端方言動不苟鄉里有紛爭者爲設卮酒從容解慰輒各抱  
慚而退以故里無公庭之擾者且數十年性樂善好施拯困之急危難無懈中丞蘇宏  
祖重其行誼時以事過其里與之坐論忠孝經因出所刊感應蕭格言諸書俾以導其  
里人娶蕭氏賢而早逝義不更續子耀舉於鄉官進賢教諭

蕭惟衡錫州人邑諸生力學攻苦寒暑不輟賦性公直爲鄉隣所信服爭競者多赴訴惟  
衡出一二語釋之輒服里人化之幾至無訟晚好施予慕同里郭拙吾之爲人自號學  
拙逸士

胡彥銓湖邊人家世儒者父均位當鼎革時脫身避禍及歸家產爲人侵蝕弗計也衆皆  
稱爲長者彥銓生有異質讀書神解好學不輟爲諸生與瑞金楊以兼同邑孫麟貴友  
善事親孝敬其長兄如父至老彌篤視仲兄孤子如己出與人以誠雖卑賤皆與均禮  
犯之者轉自慙嘗曰甯我容人毋人容我甯人負我勿我負人人有緩急不稍吝晚以  
歲貢選訓導不就舉鄉飲正賓著有易解家訓格言藏於家子廷泗廷湛曾諸生孫相

縣志

卷三十九

善士

四

忠相方相良以科甲仕宦顯

袁學賓諸生兄弟皆早逝學賓撫卹孤寡上慰父母心倡族人建宗祠子弟秀良者獎勵  
成就之居七鯉鎮建立社倉邑令張照乘表爲積行君子有郭廷佐遺金於道學賓拾  
而還之年七十餘無病卒瀛溪書院山長趙與鴻銘其墓子世紱乾隆壬申鄉舉孫嘉  
德嘉保亦舉於鄉嘉德後成進士與嘉保並官知縣贈祖父如其階嘉言由諸生例試  
吏目以賢能陞縣丞卓異陞知縣曾孫猷壯乾隆戊申鄉舉元孫以下入泮而食餼中  
副舉者濟濟人以爲學賓餘慶

陳以治事親能色養事姊與兄愛敬極篤常陰行善事年荒竭力賑賑息訟解紛人皆服  
其公惠孫麟貴志其墓子元第歲貢生爲萬年縣訓導

姚士奇大順長子幼穎悟絕倫工制舉業尤善書爲諸生屢試高等復援例考授州同孝  
事其親友愛幼弟一堂之上雍雍如也延名師課子弟不惜厚幣諸子弟皆能以文學  
世其業生平慷慨喜周人急家故軍籍同衛中有悞漕事爲代償補無怨言人咸服其

雅量

陳紹猷爲諸生品學俱優雍正二年學院沈翼機舉其優行六年學院李鍾僑復舉之稱其正直端方行己無虧因患足疾未入監

鍾子彥性樂施濟康熙二十三年大饑捐穀五百石計口分給受者凡四百餘家里中欲上其事子彥力止之每於歲除給里中孤寡貧乏人斗米百錢布衣二領死者以棺殮而葬之孫正銓亦能守其家訓

謝蕙芝田村人事親出於至性終日依依膝下年八十目不見城郭乾隆元年給八品冠帶前令張造其廬家徒四壁立與之言稼穡勤苦事卽媿媿餘皆茫然六年舉爲鄉飲正賓始入城自後杜門不出壽一百有一歲

鄭芳上湖田人庠生謙和仁厚信義公平操存嚴謹黨庠重之乾隆十七年春公舉爲鄉飲介賓

郭方燾貢生良富人居家孝友勇於赴公倡建宗祠傾資竭力不辭勞瘁族有慎齋祠燬

翰縣志

卷三十九

善士

五

於兵復爲完葺率族人歲時祀之每當青黃不接出所餘以濟人族中子弟貧不能延師者招入其塾爲出資脯率多成就邑中修學宮與堂兄方炳同心協力始終不懈

韓元掄父可胥母劉氏年五十手足痿痺動履艱辛凡飲食坐臥元掄躬掖之寒暑無間其妻李氏湏合浣濯盡乃力焉母得享年九十二而卒

謝開勳幼失怙及長家貧傭工以養母 國初土寇蹂躪鄉村勳奉母避難爲寇獲勳泣陳苦節願以金贖寇許之勳鬻子贖母母年六十色養不衰母歿廬墓哀毀骨立族人賢之孫春璣邑庠生

陳瑞如愛敬鄉鄰塘人性簡厚雅好施予闔九十歲絕跡未履公庭

韓泰宦四會鄉人謙厚成性鄉里有爭競者爲道釋之且色養二親處家庭愛敬無間通判白以孝敬可風旌之

劉世蔭國學長興鄉性好施予邑河埠地通零都興國爲三縣要津世蔭勸施田租三十餘石以贍舟子津之兩岸浮沙高積驟雨水漲崖崩路斷渡者易致沈溺其子周鼎倡

修石級孫廣炎復合衆建茶亭購田租十餘石爲經久計

徐陳策本城人康熙十三年爲虔鎮哲爾肯參謀幕府蕩平山賊尋擢遊擊性好善以濟人爲己任三十三年於西津設義渡輸田租一百二十石以贍舟子勒石永爲渡業畢華國本城人性嗜義恤人貧急先是竹木入城有稅不勝其擾華國於康熙三十九年捐金率同人籲請得悉捐除又於東津造渡船二以子孫貴贈儒林郎

周德淑太學生源頭人康熙甲申歲大饑發粟以賑貧者壬寅歲鄉被火災數十家捐粟百餘石濟之雍正甲寅歲鄉被水出銀七十餘兩助湮沒之家婚嫁殯葬資助者不可勝數知府魯之裕旌之

劉維旭東韶人性孝友母歿哀毀幾絕家產悉與兄傭書自給嘗過泰和見有貧民鬻妻者給資金之邑當閩粵往來劇道春水瀑漲聲震巖谷厲揭維艱維旭獨捐銀五百六十餘兩築石橋長十七丈廣丈有二尺鑿通崖道旁創菴廬居僧歲給稻二十石烹茶以飲行者人因名其地爲鑿石事在康熙三十三年立有碣記臨卒命子廷隸田所藏

貨券約千金悉付火曰非以爲德庶免怨耳

王而上愛敬鄉蘭塘人事親孝左右不離友愛兄弟人無間言甲申歲荒出穀三百石貸於鄉鄰至秋止取其本復捐租銀建蘭塘義渡

丁顯詔蘭芬人性醇厚家僅中人產好賑貧乏逢穀價騰踴卽減價以糶邑令李仙洲獎以額上其事於大府舉鄉飲賓

韓祖儼四會鄉樟坑人性和平溫厚少失恃事繼母鍾以孝聞處兄弟友愛無間惠鄉黨惟力是視年九十舉飲賓通判包濤序其行以美之

黃金昂黃屋村人諸生嘗捐己產爲族祀田構宗祠於鹿灘造石堤修路五百餘丈又於鹿灘隔溪及雷公灘林口大都口上下兩石窖等處捐輸成橋費數千金卒年九十三子庠生世煜亦能承父志曾客會昌有同舍客遺金二百於牀世煜急遣伴至其舟呼還之

龍宗皇好施予歲歉穀貴減價以糶人以急告者周之無難色邑東河爲合郡通津宗皇

捐百金倡義渡又施租五十三石以贍舟子舉鄉飲賓

劉爾雅章水鄉人邑白澗灘郎中渡爲孔遺康熙四十年爾雅造二舟以濟爲杯度菴招僧烹茶以給往來捐租田五十石以贍舟子及僧子簡行復捐田租二十石以益之郭行其章水鄉人好善樂施赤硃嶺社倉捐穀百餘石又倡修化龍橋立憩雲亭置義渡於白澗灘捐田租十石以贍舟子子文光等孫士週皆能繼其志

盧鴻羽性好施於章水鄉南橋河北採風亭捐田租十七石大由鄉茅店茶亭捐田租十一石於化龍橋憩雲亭捐田租十一石又加田本穀五石

鄔仲陳性慷慨於章水鄉下舖獨修永遠橋往來稱便

吳永璘長興鄉人慈孝出天性父母歿篤愛二弟遇親友貧乏者輒周之施不計功貸不收券每歲出穀數百石以貸隣里秋收止償本穀幾二十年

鍾奇諸生家非素封性喜施濟獨力建橋梁四大溪延齡橋一角公壩永貞橋一磨刀地玉貞橋長安橋計費數千金他如助婚娶贖難婦施義渡給棺焚券無分毫吝吝色康

贛縣志

卷三十九

善士

七

熙甲申歲大饑捐穀賑濟不足則借縣倉穀以給售田以償全活甚衆子琳亦有父風鄉士奎少孤事母孝及長魁梧奇偉舉康熙壬午武榜生平敦友愛篤交誼其兄之友葉去勝囊甚士奎嘗周之去勝客死於粵遣人收其骨還葬又友人揭金石之粵中途遇盜爲重整其裝毫無德色晚年自號良齋邑舉爲鄉飲正賓

劉主祠東韶人性仁孝色養父母不少離親歿忌日輒哀戚齋居敬事其兄少長無間里人力不能婚葬者必周之丁卯歲荒減價以糶立義塚以收無主骨凡三百餘塚其他橋梁道路無不勉力捐助

金肇昌由貢生考州同職東關義渡堤路頽毀修石級百層倡置義田以贍舟子族中有舊墳不能修理者皆助之修歲荒親屬貧者按日給米貧不能娶者爲之婚配

王次瑤愛敬鄉蘭塘人雍正四年於東津捐租八石又於興國江口捐租二十石以贍舟子

蕭燦性端慤友愛諸昆饑年出穀減價以糶又捐租贖興義社至學宮橋梁道路等傾圮

不惜重資協修子捷煌貢成均亦克繩父德

龍躍補弟子員援例貢成均豪邁有奇氣不事家人生產遇公事輒竭力無退避狀尤好客往來贛者必敬禮之賓至如歸

宋崇智國學生事親孝處兄弟友愛與人交以誠有稱貸不能償者焚其券乾隆八年米貴奸民乘機肆掠獨相戒無犯水西其感人如此夾溝大路石堤前後捐修費百餘金造白澗灘渡舟捐租三十石西河渡舟捐租四十石兄崇禮弟崇信亦捐租施渡修橋納粟社倉

曾偉韜以生員援例入貢考授州同建祠修譜濟荒賑乏貧者待以舉火他若修橋梁置渡舟好施不倦子宏勳以邑庠舉飲賓能承其志

皮發元庠生長輿鄉人好善樂施獨力建橋梁二捐銀五百餘金舉鄉飲賓

林芬章水鄉人有兄二已分產而兄貧芬復爲二兄置田廬以安之他若捐穀濟荒修理橋梁俱施與不吝年九十膺八品冠帶

贛縣志

卷三十九

善士

八

郭榮亮康熙年間設水西坑義渡子多相等設小良等處義渡共設義舟四父子共捐租七十石以爲修船及贍舟子費

劉承謨性慷慨乾隆十四年正月鄉遭火災二百餘家男婦呼救承謨倡捐穀三百餘石賑卹司府各給額旌之嘗刊勸善格言以勵人子定國邑庠生

李天傑黃金人車母羅氏孝修路贍渡建茶亭施茶不惜重貲歲饑減價發糶倡建宗祠族里共賢人膺八品頂戴年八十三卒子四長子遴四子速俱舉鄉飲賓

劉永柱慷慨樂施獨力創建宗祠大由鄉黃鐵橋由明迄今屢修屢圯往來病涉柱獨力捐建石橋一座又於雙橋頭叢埠水口等處義渡及茶亭不惜重資并捐麥地一塊勸石永贍遇饑年碾米減價平糶舉乙亥鄉飲

胡廷泗邑文庠雅喜施與當青黃不稔時減價糶穀歲爲常乾隆七年奉行社倉借弟廷湛倡捐穀四十餘石復請簿勸捐共得穀百餘石俱儲赤硃嶺倉年七十壽終誥贈文林郎長子相忠進士任介休知縣



曾家英貢生世有隱德新興道潭二處各捐田租協造義渡復捐社倉穀百石遠近橋梁津要俱力爲修造垂老不倦公舉壬子正賓當事以善被鄉鄰培元敦本旌之子賢棟太學生慷慨樂施孫全鎧貢生壬申捐穀賑饑三世繼志云

蕭習成性好施造大由鄉峰背園義渡舟捐租二十石以贍舟子又於本鄉菴裏下內外

水口捐建橋二座以便往來康熙壬寅歲歉出穀減價以糶穀盡復買穀減價糶之乾隆癸亥歲歉出穀四百石借於鄰不取息及秋成取價間有缺少本穀者亦不計也

鍾良猷長洛人由國學授州同秉性正直好施予邑遷學宮倡輸百金以爲多士勸公舉鄉飲大賓辭不就

楊聚也性慷慨捐貲以修橋梁親友貧乏不能婚葬者助之無吝色

劉子愨勇於爲善嘗有貸金者不能償卽焚其券邑西津爲往來要道康熙三十二年子愨造船二隻並贍出租一百五十四石至今賴之

邱陵性純篤兄歿遺一子陵撫成之有公田族衆競爭陵卽讓衆不問康熙壬午往省拾

贛縣志

卷三十九

善士

九

遺金一百坐守道旁候失者還之善書畫嘗客遊江南入大府皆重之各有題贈年七十二卒子應奎亦善草書有父風晚年勤學不輟

方福昌家貧棄舉業力養父疾侍湯藥歷四十年及歿喪祭一循於禮康熙癸巳歲饑買米五百石減價平糶子科成進士官知縣

宋相允父嘗售田租五十石相允出私財贖回與兄均之捐義穀二百石春初借給族鄰

秋成價本又每歲春夏間出倉儲碾米減價平糶出田租三十石贍渡西津捐修歐潭河田虎腰等處石橋茶亭府縣旌以耆賓年八十四卒子聖瑛孫君通俱能承其先志

焦文明置渡船於塘埠每月捐租四石贍之同里人吳彬石捐置田租一百三十石

鍾伯章監生乾隆八年歲饑出穀四百石平糶常設茶亭置義渡施藥救病村人賴之

徐嗣溥母歿宿喪次三年不入內室喜周卹鄰里凡婚娶無資者助之嘗與一醫士遊有龍尙志患目疾不見物醫視之日可治尙志以無錢泣對嗣溥謂醫曰君治我任其費

醫曰非參不可嗣溥竟換參並給他藥費與之遂得復明癸亥大歉出穀碾米平糶舊

南門大街無石砌嗣溥費錢九十餘千修之

湛文汪乾隆戊辰大饑發穀四百餘石減價平糶父老上其事請旌固止之有佃人楊某竊淫族祀田售藍姓而逃族爲清理藍私賂文汪不受語其衆曰藍既失金於楊復還田於我是絕彼全家生命莫若予之券令代楊納租以祀衆諾藍悅服及卒禮部黃世成誌其墓子宇乾隆甲子鄉舉

邱廷儀應珮子事繼母同所生兄弟友愛乾隆癸亥大歉減價平糶當事有澤潤桑梓之褒靈山廟圯郡守柏僉廷儀首事獨捐資八百金餘捐修各祠宇不可殫記

李錫逮嘗倡建學宮又修福應山歐潭橋黃緘橋路南橋亭及五老總坑二茶亭崇埠吉埠二津渡各捐租銀贍之遇歲饑卽減糶捐田租贍族子弟義學後舉賓飲子國幹貢生復倡修學宮能繼父志

鍾瑛字彌燦例授同知職少孤能率母教年十四五卽恢先業嘗修輿萬二邑孔道三百餘里又捐造永福橋葺各處茶亭累費七千餘金卒年六十有一子愈旭愈昌愈輝愈

贛縣志

卷三十九

善士

十

吟等俱授職志行如其父

潘尙產年踰九十康熙五十四年重建梅林石橋又捐置本境義塚二處乾隆八年癸亥米昂減價平糶鄉里稱之(已上沈志)

鍾學遴字書升邑諸生少有智略國初定鼎後廣寇李廷玉肆行劫掠其黨流毒鄉里率諸弟捐貲團練鄉勇爲捍禦計復請於當道乞兵討賊四境賴以安全生平精易學兼工詩爲士林所稱

鍾大汀字領元國初吉慶諸郡寇盜未平汀往郡投肆中見二三惡少豪飲紛呶旁一婦人年三十餘面淚痕汀問之對曰妾秦和龍某妻也姓吳爲寇所掠將鬻於贛至此永無歸日矣汀惻然捐金與贖并令人訪其夫家遣家人送還之龍感其德出金相贈不受

黃崑邑庠生大由鄉又潭人品行端方凡邑中義舉皆勉力捐資爲鄉里倡近村有塿係衆業爲豪家獨據崑仗義訟於官官直之斷歸衆姓開墾種植鄉人食其利者良多年

七十時邑令龍獎以行重儒林額

鍾德梅字先春爲人誠懇嘗往鄰路拾陳某遺金立路旁俟之陳泣至以實告願分半謝辭不受

陳質國學生本城人少有至性善事二親兄沒於蜀質撫孤姪如己子姪大復撫姪孫成立生平好獎勸樂施濟刊刻

聖諭廣訓印送不倦嘉慶二十年助修城垣邑宰杜贈以義資百雉額

鍾德中字定民性耿介友人以茶饋誤遺金於筐遍尋不獲疑家人所竊答之德中啓筐得金急付還鄉里稱爲長者

梁躍鯉庠生本城人性穎異嗜學屢試棘闈不遇引進後學娓娓不倦生平慷慨尙義於孤寡每多矜恤年七十卒揚州知府伊秉綬誌其墓

鍾大利字悅義嘗以事至清溪於草間拾金十數餅遂止以俟失金者其人至以實告悉還之間其姓名不告而去曹邑侯炯曾義之以好義可風旌其閭

餘 縣 志

卷三十九

善士

十一

劉厚裕水西人乾隆辛卯進士劉天驥裔性慷慨好施嘉慶十九年捐田租三十石助瀛溪書院膏伙二十年郡修城池捐銀三千兩建西門內外城樓他如設義學義塚造橋梁賑匱乏皆踴躍捐輸邑人每以敦行不息稱云

袁嘉祺號壽亭例貢生七鯉鎮人爲文力宗先正五試鄉闈不遇遂絕意仕進兩兄早世事老嫂有禮撫孤姪及孤姪孫成立宗族翕然稱之性淡樸粥粥若無能勇於義舉不遺餘力及沒教授劉謙誌其墓

鍾攀桂字師仲邑庠生每歲授徒僅資養膳其貧者歲終不取一錢歲暮以酒食相饋悉還之曰吾用頗給可留爲度歲計其耿介如此

鄭紹謨職員本城人性慷慨尙義如助修城垣捐義倉穀修府學皆勉力捐輸上憲屢以額旌

鍾德遠字任重里中溪水灣環素無舟渡康熙癸亥獨力捐造石橋費七百餘金羅傳垣字映台歲貢生本城人立品篤學老而不倦學憲王鼎旌以膠庠善士額

鍾大遵字子行乾隆丙午歲饑開倉減糶以濟族人繼疫作選良方施藥餌廣爲流布鄉里德之

徐紹夔字右夷庠生本城人愿慤沈默言謹行修溫然如不自克性和易無忤於人人咸敬憚之家貧以課讀爲業寒毡榻怡然自得子祖憲中乾隆癸卯副車

鍾學韶字九成爲人恂幅無華倡修祖祠施棺助葬葺橋梁平道路皆捐貲不吝

羅修遜本城人行誼端方天性孝友居家嘗舉前人百忍爲座右銘與人接藹若春風鄉里稱篤行君子

鍾才驥字良也太學生性好施予創建祖祠將叔祖大汀所遺田租二百數十石悉捐爲祭費又醵金倡修宗譜所費不貲

蕭承瑛國學生章水鄉人性樸質好施濟值歲歉出穀減價以糶多所全活凡孔道橋梁茶亭屢捐貲修建遇路險者每平治以便行人有姪婦早寡子少承瑛周恤備至克全其節邑宰姜獎以年高德邵額

續

縣

志

卷三十九

善士

十二

鍾元惠字諦彩乾隆八年村大饑與堂兄元華倡捐穀數百餘石全活甚衆邑侯張以睦族惠隣旌之

劉正揚國學生長興鄉樟村墾人少服買於外每歸必以橐金分畀同族因親疎判其多寡族有業商者予之貲本不責其償有親姪乏嗣贈八十餘金使納妾克延其祀值歲大疫貧而病者給藥資貧而歿者給葬費鄉人德之年八十終

鍾正湛字燕賓邑庠生孝友性成歷事二繼母與待二弟鄉里無間言乾隆元年里中失火延燒民居二百餘邑侯張親詣勸蓄日久之正湛倡籌歛金賑濟首捐貲數百且勸勉族中力所得爲者十一人醵金數千爲之賑救邑侯張嘉其尙義請於上憲並以好義可風給匾獎之

王明哲長興鄉吉埠人性豁達樂施濟近村三里許有溪橫阻當春夏水溢行人厲揭維艱特捐造浮梁名河口橋行李稱便復倡同志捐輸置田租三十石以爲修補之費值歲稔出穀減價不糶有貧之而貧不能償者焚其券後嗣成名者濟濟人以爲厚德之

報云

鍾瑞字楚翹邑石院當輿贛孔道春水泛漲往來者病涉欲建橋濟之未幾疾革囑次子謨遠成之謨敬承遺訓建石橋一座費五百餘金又捐修官村下斜苦竹等處道路四百餘丈各費金五百餘

張巨波長興鄉馬鞍壩人幼失怙事母克孝弟早世撫孤姪如己出性好善喜施自河坑口達墟市通衢九崎嶇處皆捐修成坦途市有街狹隘外濱大河捐金蔽以石欄行人便之

鍾馨字輝宇太學生孝友性好善樂施濟嘗於興邑侯境及本邑盈源萬邑隴下等處捐建石橋三座約費千餘金

龍家紳國學生長興鄉石砧人品行端方人敬憚之凡事涉爭競出一言排解無不心帖性尤好義舉修石橋周親友匱乏皆捐貲不吝

鍾愈旭字映辰瑛次子父以子姓衆多令兄弟析爨時伯兄歿獨不忍析分而復合理家

贛縣志

卷三十九

善士

十三

政二十年又遵遺命捐租六百石立義倉贈合族子弟力學者首出三百金爲膏伙獎勵之資性嗜古見名公書籍多刊嘉惠士林

鍾崇佑字民孚旭從子性忠厚尊名師訓誨子孫府建陽明書院捐二千金縣修學宮獨修郡學泮池計千餘金重修萬安上坑橋費五百餘金修濂溪書院首捐錢二千三百六十緡時施棉衣棺木復置南門外義塚焉

曾于德登仕郎長興鄉梅溪人捐建本境白象橋及上流橋二座修圳背黃金塘崎嶇道路數百丈累費千餘金值歲稔施粥用所儲減價平糶鄉里德之

鍾崇儼長興鄉梅溪人由部郎出知嘉興府有政聲父愈昌誥贈朝議大夫性好施與母恭人王氏善承夫志捐金五千兩置田租四百餘石爲義田以贍宗族儼復出父遺產湊成千石又建祠倉一所購貯穀一千石遇荒年減價以糶多所全活道光初年題請旌表

曾慕親長興鄉梅溪人性好施濟修白虎橋一壘馬岷腦路百餘丈費千餘金乾隆年間

歲饑出米五十餘石倡賑他義行不可枚舉

鍾鴻鳴庠生長興鄉人乾隆戊申歲饑村隣乏糴鴻鳴囊數百金往瑞金販米二百餘石賑濟多所全活生平於舉業外更精岐黃施藥數十年不倦造橋修路幾費千金

吳遵鴻庠生長興鄉人性質直好義因祖祠缺祭捐金五百零生息數十年廣置祭田六百餘畝以供祭祀有餘以助習舉業者膏伙值歲饑減價平糴村有游民給之貲使習生理熏其德而善良者衆

龍家經太學生長興鄉石磡人早歲失怙事孀母極得歡心乾隆丙午歲侵田穀減價以糴九橋梁道路寺宇皆慷慨捐修不吝

唐友稷附貢生長興鄉人性好施嘗捐穀二百石春散給貧乏秋償其本不取息力不能償者并不責其本他若建橋梁修道路施茶藥皆至老不倦

謝玉成長興鄉建節人正直持躬好吟詩尤長古體引進後學補弟子員者不下百人鍾昌仁庠生長興鄉大溪人性方正寡言笑人不敢干以私爲文力追先正屢薦棘闈不

翰 縣 志

卷三十九

善士

十四

售士林惜之

韓承應大由鄉人性儉樸好施濟里有貧乏者竭力周之貸不能償者焚其券修本村樂善橋往來稱便建家塾於高岡延名師訓課子弟以立品爲先務邑宰王駿姿額其齋曰山高水長子亨章性友愛兄弟早世撫姪如己出亨章長子修桐以拔貢舉孝廉方正三子修梅補弟子員

黎邦達大由鄉梅林人家貧以課讀爲業里有窘乏者捐束脩以助之不責其償村有豪家欲侵道路以擴己田畏邦達不可啖以多金却之其人慚而止年七十九卒

劉魁國學生雲泉鄉人性好善嘗集先哲格言類編爲二卷號同善錄刊刻印送又於姜坑口倡建義塚收寄客亡之屍復置義山以葬年久之棺塚前建地藏閣飯僧以經其事尙書清江楊錫紱有碑

曾召憩愛敬鄉山溪人家貧力耕好行善事自黃岡至道潭四十餘里山路崎嶇獨力修治費二百餘金

黃希旦郡庠生嘉慶八年將祖珂庭遺梅陂堰出租八十餘担捐贍縣學修縣學時亦踴躍勸輸不懈

黃衡鑑明末大濟倉缺員邑侯王煥焜薦充倉大使積勞四載卒於官

陳兆晶四會鄉人性孝友以伯兄兆昌嗜學力田以供膏伙迨兆昌進士選廣西永淳知縣獨力穡勤儉如初值歲祲出粟賑救多所全活

陳宗祧四會鄉人友愛諸弟推肥受瘠修祖祠建橋梁平道路皆捐貲不吝

謝會仁愛敬鄉人幼失怙事孀母劉氏孝養備至性好施遇邑有義舉輒以身先乾隆丙子舉鄉飲

謝昌言登仕郎愛敬鄉雁塘人孝事二親人無間言建祠葺修橋梁設義倉皆仗義捐輸鄉稱長者

劉昌泮職員愛敬鄉東韶人修橋梁二所於贛粵交界處費數百金  
郭大鉦國學生愛敬鄉人修龍溪悠珍橋平治道路六里費六百餘金

翰 縣 志

卷三十九

善士

十五

劉世筌玉田人生五月而父見背母氏王撫孤成立世筌事母克孝母患目疾奉養必親始終不懈子興瑞獨修鳳輿橋及瑞峰橋費六白金修南盤賴口梅溪等路費六白金  
修 文昌殿費六白金人以爲父孝子義云世筌與妻郭氏俱年登八旬親見五世同堂嘉慶戊寅年旌表賜眉壽延慶額

羅懷德國學生大由鄉人歲饑捐貲賑濟全活甚衆享壽百齡五世同堂子孫俱入饗序學使曹振鏞獎以額

劉積治國學生大由鄉吉步人性質直好義一門五世同爨丁口百餘人處置咸宜內外無間言生平周貧乏修津梁口碑載道乾隆戊戌歲歉出資買穀減價平糶郡守寶忻旌以義重梓誼額

謝茂滋職員嘉慶十年倡修光孝寺捐銀二千兩二十年修城輸銀二千二百兩觀察王旌以義固金湯用嘉乃績兩額

宋君通章水鄉人倡修西津碼頭捐租以贍乾隆乙卯歲饑無賴者肆掠鄉村君通竭力

撫卹出穀減價以糶遂獲安堵

謝洵忠大由鄉雲溪人性樸質好施濟鴨子口村外濱桃江春夏漲發溪水橫阻行人苦之因捐重貲倡造木橋十數板復置產營息以爲久遠修補之費往來稱便主事蔡家珩記其事年六十三病革囑其子廩生于蕃于宣檢負逋未償者千餘金悉焚其券生平慷慨尙義類如此

鄧德珍長興鄉人性慷慨好施曾於西水等處修路十餘里建石橋三座費銀七百餘兩

邑侯衛贈以一鄉人望額

賴克漢庠生章水鄉玉澗灘人少孤事母與繼母以孝聞家貧筆耕奉媪盧氏寡嫂劉氏有禮撫育孤姪成立以己置田宅倍與之年六十歿主事蔡家珩爲之傳

劉殿選章水鄉人家非素封而性好義嘗捐修石徑裏橋一座費二百金

劉現廩生章水鄉人性孝友不以貨財自私年四十有八病革囑其子國學華濬撥穀田四十石早租一百石爲祖宗祭祀費又撥早租一百石爲子弟習舉業者膏伙之資鄉

繪縣志

卷三十九

善士

十六

黨賢之

鍾士陵大由鄉長洛人性恬淡好施值歲浸出穀數百石減價以糶族人德之數十年不

倦年七十時學憲汪獎以齒德俱尊額

賴芝芳庠生性好周卹施棺木二十餘年計一萬四千六百七十五具每領棺者給錢三

百文米一斗他如設義學修道路置橋渡義行不可枚舉子炳章附貢生亦克繼父志

劉可霖長興鄉玉田人每值歲饑捐穀以賑族里之貧者多所全活祖祠遭回祿獨力修復費數百金

劉世洪國學生章水鄉上丹人性慷慨尙義村有水源糧田資其灌溉因地屬僧業被僧

召人燒炭水源遂涸洪捐三百金贖之灌田如故乾隆丙午丁未大旱出穀二百石賑

濟多所全活邑侯衛獎以序

楊作仁國學生章水鄉人性好施濟獨修上丹藤橋西坑口五雲橋背樟樹橋共石橋四座費千餘金乾隆丙子乙酉歲浸施米二百餘石鄉里德之



謝尙雲庠生愛敬鄉人生平以古道自勵言行皆遵先民矩矱善屬文屢薦棘闈不遇以成就後學爲務遊其門者多脫穎去

劉秀蒔太學生四會鄉人性友愛昆季六人蒔行四伯兄前母出早逝同母兄弟三人亦皆弱冠而歿三兄六弟乏嗣五弟遺孤三齡蒔調護一家寡婦孤兒俾各得其所至老不懈精岐黃術多制丸散取給者不計其值近村王母渡中街橋圯捐金數百修復行人稱便

劉昉遠職員四會鄉人早歲失怙事孀母克孝每值歲歉出穀減價平糶鄉里德之

羅煊增貢生本城人秉性端方正直嘉慶乙丑重修學宮衆舉爲董事殫思竭慮一邑咸服其公勤

鍾元拔職員長興鄉篤溪人年少失怙事母色養不衰素善書邑中碑銘多出其手

謝任崧章水鄉夏滄人少年篤志舉業應試不遇課徒鄉塾口講指畫循循不倦生平耿介持躬足跡不入公庭遇鄉隣忿爭出一言排解無不敬服道光元年膺九品冠帶年

續 縣 志

卷三十九

善士

十七

七十四

郭元祓耆職南門外人性友愛先人遺產分膏腴於兄弟而以殘瘠歸己人無間言工醫術以濟人爲心貧者並給藥貲鄉里德之七十六卒子烜庠生亦謹厚有父風

黃步安太學生長興鄉下洲人因家落就商稍有贏餘每推以贍家族之貧乏者雷公灘橋圯捐造浮梁至今行李稱便

曾書漢太學生大由鄉人昆季五同爨數十年怡怡白首從無間言助修城垣邑宰杜贈以義資百雉額道光二年洪屋塘水潭口建橋一座費五百金

劉衛區職員長興饒田人性孝友足迹不入城市鄉里欲舉爲飲賓辭不就

詹化絨職員大由鄉洋塘壩人少孤事孀母蕭氏克孝胞弟化綸早夭家貧子幼絨恤養扶孤竭力數十年不懈姪冠儒入邑庠

李鼈國學生章水鄉人倡建青雲閣閣下施茶捐租十八石贍之又倡修陽坑口雙溪橋水口渡贍租四石年七十三終

鍾拔字乾曜候選州同生平樂善好施遇歲饑減價發糶精岐黃術延者不責其謝施丸散不取值鄉人德之當道以惠濟桑梓額旌其閭(以上善志)

劉啓翔字子翹荒田人由郡吏選順德刑臺典史廉介清慎年八十致仕歸卒年九十有四

鍾添佑年踰一百有四舉飲賓性簡厚勇於行善修補橋路多捐金倡助歲歉必量力出穀減糶壯時偶宿倉側有近里人將竊其穀佑覺之起視里人急持倉板擊佑左額顛仆地家人欲鳴諸官佑曰彼貧無奈至此耳吾傷非致命何拖累爲衆皆嘆服

鍾邦梧成童時雖瓜菓必獻父母習岐黃術以疾告者診視不計謝貲明天啓癸亥壽登百無疾而終

鍾學乾性樸質兄弟析產盡以良田讓弟所取惟老屋數間敝書數篋比弟死撫姪如己出屢舉鄉飲不赴卒年八十有一子才英亦舉鄉飲不赴卒年八十有八

鍾元礪性謹篤精於勾股平橫直監參伍錯綜各得其法里中糧則經礪算必無差錯且

贛

縣

卷三十九

善士

十八

好施予見人爲善必樂成之現年七十有七

鍾學照存心正直凡修祠宇葺橋梁諸事必親身甃石材木之勞鍾邑侯麟以碩德耆年旌之現年七十三

劉開鉞字震西太學生性慷慨好施予嘗爲姻婭效麥舟義親族有聘字未嫁娶者每出資助之乾隆甲寅年捐租十石贍西津善慶義渡產本中人嘗因義助向人輔貸室人曰何自苦乃爾曰待有力而後濟人則何日得濟人頌其德曰睦姻任卹分內事也恨難周耳鄉里稱爲義士

胡學湯國學生好施濟乾隆五十九年捐銀二百餘兩倡修城西門外渡口馬頭添設章

江善慶義渡復捐崇舖河頭等租六十八石餘爲贍渡之費往來稱便

廖三珮性好善嘗濟人於危全其家室毫無德色

劉賢請字朝聘愛敬鄉留村人性質直好義祖崙山以宗祠傾圮有志修建事未就而卒賢請稟父文城售己所分田產獨建文彬堂祖祠費四百餘金又修三星橋蔭園石橋



鍾崇价附貢生長輿鄉人慷慨好義府縣學修 文廟各助金數百邑賓興會捐金二千  
龔公山寶華寺傾圮獨力捐修並贖僧田數百石費二千有奇道光丙戌歲侵隣近會  
匪蜂起价平糶膳族復倡捐八百緡募勇敢士堵禦並呈請贖興萬三縣文武官弁會  
勦村賴以安凡修建祖祠神廟道路橋梁茶亭義渡屢費數千金鄉人德之子仁緒辛  
巳舉人

宋邦植郡廩生東鄉縣學訓導年餘遽歸養父患軟弱病舉步必與偕生母胡早逝事繼  
母廬如所生有女兄年十九適本城蕭時俶未期而寡植爲置田產撫孤受室並請  
旌建坊入節孝祠生平懿行甚多而建宗祠捐祭田皆其所首倡以厚德舉爲鄉飲大  
賓

劉開雲號六管水西人諸生博學能文好行善事嘉慶庚申大水僱船救數十人修西津  
門內外城樓二座西河土堤數十丈春水漲溢居堤側者多憂潰決爲易以石乃永無  
患河背石路崎嶇募工鑿平之歲饑倡率平糶府建義倉邑創賓興皆竭力欣助子時

續 縣 志

卷三十九

善士

二十

能繼其志

徐德慕號孺亭歲貢生幼孤貧力學事孀母孝聞族屬衛籍所負租賦甚多管理數年宿  
欠清而漕務益裕邑學公產與羅君萃和共理二十餘年積其贏餘爲新進文武薪水  
費道光丙戌饑議賑只道義倉穀三千餘石設法調停立四米廠全活甚多事竣奉當  
道意建民義倉於城南鴛鴦橋儲穀二千五百石又改造府義倉儲穀二萬有奇至今  
賴之咸豐癸丑粵寇豫章巡道周貞恪公委辦團練募鄉勇隨調勦援丙辰賊逼城所  
夕籌堵圍解加五品銜以訓導用庚申偕其妻歐氏八十雙壽學使單懋謙獎以上壽  
同慶額越五年卒選星子縣學訓導子勤復崇義縣學訓導

謝明德社大人幼失怙孝事寡母言行端謹舉鄉飲音賓生四子勤儉友恭能繼父志每  
年出穀減價咸豐丙辰日給村人米團練邑修城籌餉各捐數百金毫盡一堂子孫五  
十餘人七世同居

邱明偉字卓九監生性仁厚待兄弟推讓財產以年老乏嗣遠賈江南聘姜某氏過銀二

百兩得家信已生一子卽棄銀不娶厚慰其家夫婦年皆八十子文材恢宏先業郡城有大興作必仗助之孫曾多遊庠序

鍾培字用乂長興鄉人卽用知州少孤承母杜太恭人教見義必爲凡母所修橋梁寺觀皆續修以繼前徽邑賓興會與兄各捐二千金又助修考棚書院捐城南外義塚修萬邑良口漏澤園田村契眞寺累費千百金時設茶亭平險道施棺棺字疾革遺命以五百金購遷支祖祠卒年六十四子仁鳳庠生仁鴻通判皆好義有父風

謝嵩號申甫道光甲辰舉人幼失怙母染偏廢病臥牀褥五六年朝夕侍奉不懈家貧好學伯仲竭供卽資後分產悉讓其兄且爲姪婚娶性勤敏饒幹濟才當事委辦籌餉克藏其事以功加知州銜

羅德訢字萃和城東郊人邑庠生性嚴介不輕入城市惟邑中義舉乃出丙戌壬辰甲午襄公平糶又私設一局以濟族隣經理佟公祠產增置若干餘金千五六百定爲歲科試公費族有節婦貧甚時存恤之以衛籍漕務殷繁獨力幹旋一族無患年六十六無

贛縣志

卷三十九

善士

二十一

疾而卒

鍾崇播太學生事祖母及母以孝稱教誨兩弟俱成名弟歿視姪如子財產無所私重然諾好施與修府縣學皆踴躍捐輸里中義舉必慷慨樂成之性謙和課子孫嚴而有法卒年八十七子仁緯舉人

羅莊軒太學生性慷慨道光九年邑人議舉賓興捐番銀一千二百餅事因以舉知縣張涓獎以作興文教額與祀尙義祠又嘗捐郡城義倉穀

胡以節登仕郎章水鄉人少孤貧習舉業嘗隻身遊粵卽於粵成家素精岐黃袖藥活人從無德色人有患難必多方調護至使朋輩中常有雖有兄弟不如友生之歎

賴其玠字介玉七里鎮人生平隆鰥好善焚債券百數十紙修白塔橋後圯又與里人合修子學興撫孤姪如子孫謙均尙義有祖風卒年均八十餘孫曾多人庠序

謝在中字作勳號樂山諸生性孝友品端方歲饑出粟減價平糶建祖祠造橋梁祀義倉皆倡捐無吝借貸者貧不責債里有細人盜其山木廉知取回仍與之值人稱長者子

康選丙午科舉人

尉家瀛城西人縣起賓與會輸千金道光丙戌歲饑捐穀百石減價發糶楊梅磯灘險不利行舟倩工疏鑿子席賢繼父志捐設城廂五方義學四載葬久停柩百十有奇孫孝璜施義塚地三置東河義渡二隻竟府城隍未完功造愛蓮書院齋房數間嘗於路施茶疾施丸散獄中夏施扇冬施草蓆朱孺人尤慈惠親族待舉火者甚多

尹東昇太學生幼貧失恃事父能得其意藥買有餘貲分產時多與昆仲延師教子每膏飲束脩或破產以償子起鸞同治甲子舉人辛未進士起鵬孫錫齡俱邑庠生

鍾全九長洛人少孤事孀母生平質直好義嗜學理數有謀人吉壤者必得其一言乃可售啖以多金不答復啖以田租三十畝終辭遇事直言不諱人皆悚服

鍾仁緯字象昭品端學醇爲文力追先正博涉經史性廉靜寡欲敦篤內行舉道光乙酉鄉試順父命再上公車以額滿見遺下第歸病卒山東旅邸

羅傳埶號竈厂邑庠生性孝友工舉業屢薦不售嘉慶丁卯埶鄉試會聞父憂奔喪歸主

司嘆賞其文不獲寶卷而罷自是奉母不復鄉試悉心性理兼善書畫篆刻母壽集聖教序多寶塔等碑字爲各體詩文皆工所著自得軒稿有詠畫龍詩巡道李本仁選人郡藝文志兄弟析居讓數千金產爲伯兄立嗣子家鑛邑廩生

薛朝先勤儉持身質樸居室近隣貧乏生施粥死施棺郡邑有大修造及鄉里神祠橋渡無不隨力樂輸卒年八十有五孫曾繁盛同居共爨六十餘人子聯奎邑庠生

吳江芹邑庠生性鯁直好義族隸軍籍漕運艱難獨捐租數百石協濟有餘存爲祖祠祭費及子姪歲科試卷資歲歉減價發糶里有爭論每代出錢文爲排解一切方便皆力奉行孫凌雲邑庠生五品銜

譚先洸金灘人孝子聖誥曾孫少失恃十五從父徙長洛事繼母以孝聞族中貧不能娶者爲完其室有欠金者將鬻妻以償聞之卽焚其券夫婦獲全

焦文泮邑庠生品行端方力學以授徒終老素性恬淡不戚戚然於得失

陳璘字蘭偕邑增生孝友性成父逝事母張氏尤謹與弟映奎喬秀一門之內怡怡如也



金亦其素志也

賴從信長洛人監生同里劉欽貴有迫債鬻妻者已立議信出資代償全其夫婦郡有義舉各捐金百餘歲饑出穀以賑

謝克讓社大人州同知建陽明書院修城垣各輸三百金起賓興捐田租三十石造水口石橋費二百餘金每年出穀數百石減價平糶咸豐丙辰日給丁口米養勇族貧不能葬娶者悉資助之

廖化成四會鄉人好善急公里中橋梁郵亭倡首修葺膳義學以教子弟措置有條鄉里稱頌

龍承柯監生素喜義舉族某生子妻亡貧不能養代覓乳母哺養成人又某成痼疾貧思嫁其妻承柯止之贍其家療其疾後竟生子友某故家貧子幼承柯爲之授室生子友子復亡又爲之撫養成人其他立義倉贍義渡修橋施棺皆樂爲之子五次梯雲歲貢生

贛縣志

卷三十九

善士

二十四

宋國炯號方湖幼聰穎儻有器識父柯亭年老遂棄舉業操家政自奉儉薄喜濟人急里有貧不能喪葬婚嫁者皆欣助之不責償卒南康進士盧元良誌其墓子三長肇俊邑庠生次肇伊咸豐辛酉拔貢朝考一等籤刑部七品小京官三肇信邑庠生

龍定芳增貢生仁厚有至性戚族或負欠貧不能償者焚其券計千餘緡施茶藥捐義倉助賓興修道路皆樂爲之子四長鳳飛次凌飛俱邑廩生

謝于宣歲貢生才能任事邑舊無賓興會慨然邀集尙義成其事郡學宮文廟將圯糾邑人並勸同郡善士出資累數萬金修復規模宏敞壯麗倍前人士咸仰歎之子石麟邑廩生

徐季壬幼失恃事繼母以孝聞待異母弟備極友愛捐義渡修橋梁費數百金里有困乏周之無吝色孫懋修邑廩生

李資達福建連城人隨父買贖遂隸贛素好善道光五年學使署燬請修復大堂次年修葺瀛溪書院皆身親其勞道光十五年復建陽明書院拓地鳩工役二年落成始終不



怠他如建義倉捐穀數百石設賓興捐銀數百兩好善有誠咸以爲不再見也  
謝利樟章水苑田人累世好行善事南門大碼頭二碼頭通廣要津向無石級乾隆十年  
祖元遑捐金千餘創修之父亨珠及利樟弟利楷迭修之咸豐丙辰賊擾後級盡圯嗣  
屢圯利樟卒子錫光等復修之他如捐修橋路茶亭義渡及施棺藥賑饑四世皆遵循  
不替

郭協衷附貢生雲泉人父先桂喜行善事協衷多所贊助嘗築石堤數百丈里中田廬賴  
以保全丙戌大饑捐二千餘金越境市粟減價三分之一里人至今德之

鍾承燮字萊亭州同桃溪人寄居興國浚源卹性渾厚家裕於財喜行利濟事年踰四十  
未得子撫姪爲嗣行善事不怠捐資重修祖祠及家乘造橋梁茶亭平道路施棺救荒  
平糶諸義舉皆樂成之有紛爭者力爲排解晚得子人謂善行之報卒年七十七次子  
葆元都司銜三子鳴飛武生守備銜

陳政齊性誠篤十三歲時由閩連城買贛人咸重其諳練頗有識咸豐丙辰賊陷吉安警

聞懼亂出城者衆政齊不去捐資助餉守城戚族自閩來或不自支悉代調劑無難色  
以籌餉例由州同加提舉銜復加運同銜卒年六十有五

鍾祥俊大由鄉角湖壠人性孝友不苟笑言父病朝夕事奉代理家政課子姪勤耕讀弟  
允升髫年從師篤功課子理緒理綵俱列膠庠凡鄉黨有忿爭事每勸息之遇善事必  
量力捐助咸豐六年賊勢將熾命理綵倡辦團練地方由是得全

陳裕隆少讀書有至性以父命理家政一無所私兄弟友愛事寡母撫孤姪教養周至生  
平一介不取喜行陰德事道光七年舉鄉飲

羅家鍍庠生幼失怙事母孝戚族黨有忿爭事力爲排解無不立平嘗置祠產爲祭費代  
乏嗣者立繼咸豐六年賊犯境查保甲門釐有勞績保舉六品以訓導選用

劉耀奎字節中幼貧父盲母將爲傭媪涕泣跪留竭力供甘旨勤儉誠樸家始裕性好善  
修祠廟橋路累費數百緡與人排解一言立決歲饑平糶聞警設團皆資籌畫子翰卿  
能繼其志

羅亨焯邑增生候選州同咸豐三年隣省賊警巡道周諭團練鄉勇爲總首倡捐錢六百緡賊至城內居民避徙者衆亨焯隨同督勇守城晝夜罔間圍解年餘不自以爲功也五年撥勇隨周貞恪公援吉安尤爲勞瘁在局七年始終其事

鍾正言字德華居家有至性與人無悔喜行陰德事鄰邨有構怨者以數百金代謀寢其事建義倉置祭田修橋路累費千金素善醫遇貧病者施藥不懈咸豐三年倡辦團練堵禦有方云

鍾運鑫字體莊附貢生候選州同幼孤率母教因家務棄舉業雅善居積生平勇於爲義嘗捐救溺女數十人歲歉平糶以膳族所修橋路祠廟累費數百金自癸丑迄甲子辦鄉團助軍餉以功加五品銜

黃堃號錦堂性孝而才敏始貧廢讀服買後迺極重師延孝廉明良起江南進士黃之晉館於家隆禮不懈三子德揚壬戌舉於鄉咸豐三年城中奉設義勇局軍裝鉛藥糧餉經理裕六年吉安陷潰勇索餉噪委區處立平四月城被圍督勇六千餘人登陴晝夜

巡警會大水踰城北隅浸雉堞城皆水賊舟將突入督勇累舊磚石高可隱人峙炮待復縛木筏置炮爲重城賊計不能逞匿傍河城壞溝中圖轟城督勇揆賊果遇賊卽警遁城獲安另股賊陷零都委督勇隨軍克復初需餉急提用陽明書院膏伙事平善後籌復增數倍勸補義倉穀增倉廩建周貞恪公祠修鬱孤臺並瘞心力累功獎州同卽選捐同知加鹽運同銜癸亥偕德揚赴京就銓因積勞舊疾發卒於部門會館歸葬城西黃之晉誌其墓子三德揚其季卒辛未大挑一等分發河工卽補知縣長則庭浙江卽補同知次紹庭候選知府歷辦團練與有力焉

查世傑號森如原籍安徽婺源乾隆三十年服買來贛遂居贛性寬厚有長者風邑中善舉靡不樂從捐數千緡不惜道允用五歲飢以穀二百石助賑後復輸義倉穀六百石其急公好義多如是子五次文甫四文彬皆知州銜請封朝議大夫孫肇祥應祥德祥同歲入邑庠

右葛宗達以下諸人本不應生時立傳然其善行已播於時有不容竟遺者姑附錄之

葛宗達字魯泉梅林人例貢生少孤力學痛母孀居年例甫符請 旌表咸豐丙辰賊踞華林寺達卽禁搬米穀留食團衆又毀自己衣服爲守禦之資丁巳冬賊竄田村帶田勇重江口白石防堵賊去絕意保舉人服其恬退

鍾凌雲號紫樞長洛人諸生成豐丙辰集同事倡團練勇捐賞籌費與賊接仗每獲勝毀其巢歷奉道府檄勦大埠王母渡韓坊等處股匪隨同官兵兩解信豐圍攻復零城最爲出力保舉選用教諭巡道蔡應嵩委辦團坊堵紫善後事宜獎以樸誠諳練勇敢有爲事竣自甘恬退惟延師教子課孫爲務

賴汝舟一名明海豪邁知大義仲兄明洪早逝以次子繼之仲嫂守節待 旌季父歿代理其喪撫其幼孤四人成立堂弟大婦守志亦爲立嗣獨建家祠族中貧不能讀者捐畝爲束脩之費凡善舉踴躍從事管理書院勸辦團練一切公事著有成勞保舉六品

續 縣 志

卷三十九

善士

二十七

加鹽提舉銜長子有慶郡廩生次子葆華同知銜加一級請 封二代

王承旭世居城內花園塘幼勤敏因貧爲縣吏常曰吏固好修行也遇鄉里搆訟力爲排解性儉而好義舉凡府縣學宮文昌奎閣育嬰報德二堂及義渡皆樂輸助又獨修大壩裏定山菴螺峰前孝義井其他修橋路恤孤寡義勇局支應局皆捐貲焉子六三鴻銓郡廩生四邑武庠

康安泰別字含川性恬澹家貧廢讀嘗理贖關權務善飲喜交遇戚友吉凶事必竭力經營焉咸豐初年兵興幫同募義勇添造礮臺辦理團防查保甲善後籌捐餉復義倉廣額諸事幾二十年屢膺獎叙

王勳派大樑父景遐以勳五弟齋讀封四品封典勳少讀書頗識大義比長業賈咸豐六年奉憲隨同防守城垣晝夜五旬不懈巡道汪保以提舉銜同治三年贛南辦團練有力又保以州同遇缺儘先並賞戴藍翎生平不忘舊德不棄故交篤於友誼不吝千金之助云

劉敦修字春園太學生大由鄉甘霖人孝事孀母兒時課讀歸必告以所學母督茶嚴甲子鄉試薦不售遂理家政率母教有贏餘卽修橋造路於借貸貧不能償者輒焚其券邱卓夫兄弟友愛好施予行善事嘗造南橋義渡一隻捐租三十餘石

陽發志字恆信例貢生車村人家世載郡邑志性質樸動儉起家友愛兄弟培植子姪或貸不能償卽以其券還之遇有義舉竭力以助

雷名揚監生大由人父鳳章病足膏負出入十餘年友愛兄弟性誠樸有借貸不能償者焚其券課子姪有方今孫曾亦濟濟能世其家

謝思誠例知州蘭芬人貧能事母儉自成家修橋路建祠廟捐貲不吝同治甲子帶勇往粵界堵口給發口糧荒年平糶

謝克綬例知州社大人里有橋閣將圯捐金修葺郡建礮城助百六十金施棺平糶頻歲舉行同治甲子逆竄粵界帶勇堵禦隘口

贛縣志卷三十九

人物志

善士(總傳附)

贛土俗果而激然於義於節於名類多相尚以仁讓樂善之風今就其一行足錄一事可嘉者彙其人而編總為一傳亦猶周官小行人上和親康樂安平為一書也覽者其益興起於斯

賴文爵

郭鵬飛

郭秀中

張抑山

蕭克明

邱兼三

鍾廷燦

蕭忠堯

邱希濬

徐尊逸

鍾炳勳

鍾廷英

鄭等明

劉成斌

謝見山

劉學柏

劉才禎

韓國山

贛縣志

卷三十九

善士

黃世椿

朱耀宗

盧光耀

韓士基

彭萬秀

李崑山

李朝贊

邱紳章

邱立恩

李世祿

劉楚賢

李千泗

陳芳庭

李鳴和

江義裕

李斌元

賴孟濬

丁良樹

楊有懷

邱賓式

羅運星

童禮源

丁秀冬

郭嘉林

黎萬榮

舒紹成

溫瑞珂

王登林

龍華貴

丁良椿

謝善湖

劉高雲

劉佩臣

李恭五

程政祐

李加盛

李敦通  
熊其桂  
盧亦球  
黃毓琛  
陳福益  
陳海宗  
鄧春榮  
朱星祥  
劉篤親  
游憲章  
嚴雨泉  
謝蒙柱

李敦濛  
楊士廉  
溫光秀  
陳萬榜  
戚追遠  
廖立海  
曾泰楨  
朱清舉  
劉聖壇  
李生春  
林上禎

謝茂柱  
張芳浩  
陳運海  
王俊彥  
黃如椿  
鄧澤恩  
賴榮光  
劉相南  
李興遠  
蕭上琦  
謝文選